

Date – 03/07/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Social Welfare Minister Pi Lalrinpuii’n khaw hmuh lama harsatna nei ten zirna mai baakh eizawna kawngah harsatna an tawk tih sawiin tanpui turin mi tin an pawimawh thu a sawi.
2. Mizoram Universal Health Care Scheme 2.0 ah mi nuaih 3,20,123 in ziaht lut tawh in private hospital 18 Baka Mizoram pawn ah hospital 39 an in ziaht lut tawh.
3. Prime Minister Narendra Modia chuan India-Japan inlaichinna chu a tha danglam bik tih sawiin eibazawna kawngah an thawhdunna hlawhltnzia hmuh tur a tam a ti
4. Union Ministry of Civil Aviation chuan International Airport-a Ebola hri kai leh kai lo endikna tur AIR SUVIDHA 2.0 portal a hawng .



SOCIAL WELFARE MINISTER

Social Welfare Minister Pi Lalrinpuii’n khaw hmuh lama harsatna nei ten zirna mai baakh eizawna kawngah harsatna an tawk tih sawiin tanpui turin mi tin an pawimawh thu a sawi.

SAD Conference Hall, MINECO-a, Social Welfare, Women & Child Development Department leh Toyota Kirloskar Motor-ten Mizorama mitdel ten zirna kawnga hma an sawn theihna tura thawhdunna thuthlung (MOU) an ziahna ah he thu hi a sawi a.

Pi Lalrinpuii chuan Mizoram chhunga khaw hmuh lama harsatna neite chuan zirna mai bakah eizawna kawngah harsatna an tawk nasa hle tih tar langin, chung harsatnate chu theipatawpa sut kianpui tura hma lak chu mi tin mawhphurhna a nih thu a sawi a.hmasawna huapzo hnuaiah mimal tinin zirna tha an dawn theih nan te, mahni intodelha khawtlang hnena pek let an neih theih nante Mizoram sorkar leh Toyota Kirloskar Motor thawh dunna chu rahbi pawimawhtak a nih ngei a beisei tlat tih a sawi bawk.

MOU hi Mizoram sawrkar aiawhin Social Welfare, Women & Child Development Department Secretary Pi Lalzarmawii leh Toyota Kirloskar Motor aiawhin Vice President- External Affairs&CSR Ramesh Rao ten an ziaak a ni.

Tun dinhmunah Mizoramah hian khaw hmuh lama harsatna nei mi 2,035 awm mekin an zinga zaa pakhat vel chauhin eizawnna mumal an nei nia hriat a ni a. Mizoram sorkar leh Toyota Kirloskar Motor-te thawh dunna hnuaiah hian a thawh khatna atan Special Blind School, Durtlang hnenah Navinaut Assistive Mobile Device 250, Braille computer, printer leh AI scanner pek a ni dawn a. Thawh hnihna-ah Navinaut Assistive Mobile Device hi 930 sem chhuah belh leh tura ruahmanna siam a ni a. He khawl hian khaw hmuh lama harsatna neite tan chet velna bakah zirna leh thil danga mi dang rinchhan lova thil an tih theih nan a pui dawn a ni.



IMPCC

Information & Public Relations Minister Pu B Lalchhanzova’n thuthar thehdarhtute chu sawrkar policy leh scheme hrang hrang Mizo tawnga lehlin te tilang tam turin a chah.

I&PR Conference Hall, Lianchhiari Run-a Inter-Media Publicity Coordination Commitee (IMPCC) thutkhawm a hmanpuina-ah a sawi a, tunlaiah thuthar a darh chak tawh em avangin diklo laka inven nan thawhona mumal tak neih a pawimawh tiin IMPCC chu sawrkar laipui leh state sawrkar te nena thawkhoin, mipuite hnena thu dik tak pek chhuah kawngah an pawimawh thu a sawi a ni.

Minister chuan saptawnga thu chhuah thin media te chu Mizoram tourism than nasatzia tarlang tam turin a chah a. Aizawl khawpui chu traffic dan ngai pawimawh thin khawpui a nihna te, honking free leh Silent City a nihna te, khualzin hmeichhia te tana hmun him ber pawl a nihna te tarlang tam turin a chah a. Thenzawl Peace City-a golf course leh ropeway project vaibelchhe 36 man tura duan mek te chu India ram pumpui tan thu lawmawm a nih thu a sawi.

DD (News) Mizoram Director leh IMPCC Chairman ni bawk Pu Nampibou Miranmai pawhin thu sawiin IMPCC chu media te leh sawrkar department hrang hrangte thawhona platform pawimawh tak a ni a, IMPCC hmang hian mipuite hnena thu thar sem chhuah kawngah media hrang hrangte chu thawhhona tha an neih ngei theih a beisei thu a sawi.

Thutkhawmah hian Mizo tawng bakah English leh Hindi-a thu chhuah tam te, Mizote GST lam inhrilhriat tam te, ruih theih thil thatlohna hawi zawng information pek chhuah tam te uar a tul thu sawiho a ni.



MUHCS

Mizoram Universal Health Care Scheme 2.0 ah mi 3,20,123 in ziaak lut tawh in private hospital 18 Bakah Mizoram pawn ah hospital 39 an in ziaklut tawh.

Mizoram Journalist Association (MJA) member te tana Mizoram Universal Healthcare Scheme chungchang in hrilhhriat na hun Aizawl Press Club-a neih ah he thu hi tarlan a ni a, He hunah hian Mizoram mipuite tana Cashless Healthcare Scheme duan kalpui mek ah March 31 thleng khan damlo enkawl na atan cheng vaibelchhe 171.78 pek chhuah a ni tawh tih tarlan a ni a. Private hospital 18 bakah Day care centre (Dialysis leh Chemo khai na) telin Mizoram pawn damdawiin 39 te MUHCS ah hian an in Thlum zawm tawh a ni.

MJA President Pu Vanlalrema Vantawl chuan chanchinbumite tan tuna MUHCS chungchang vawrdarhna kawngah MUHCS chu enge a nihna dikdak puanzar a nih theih nan, a chhunga thil hriat belh tur te leh kalpui dan te zir chian a ngaih thu a sawi a ni.

He hunah hian Dr. K. Lalnghinglova, Chief Financial Officer, MUHCS, Dr. C. Vanlalduhsaka, Medical Officer, MUHCS leh Lalzirtira, Informatics Officer, MSHCS te chuan MUHCS hman chunchanga hriattur pawimawh leh MUHCS 2.0 kalpui dan tur te sawi zau na hun an hmang a ni.



NAZARETH HOSPITAL

Mizoram sorkar chuan Mizoram Universal Healthcare Scheme (MUHCS) zawmtu damdawiin Nazareth Hospital-a lut tharte tan cashless an kalpui thei rih lo an ti a, sorkar nen inbiakna kalpui mek a nih thu an sawi.

Mizoram State Health Care Scheme chuan damdawi in empanelled zingah bill diklo thehlut an awm thin thu sawiin chhan hrang hrang avangin Nazareth damdawi ina lut thar turte tan cashless a theih rih loh thu an sawi a ni.

Hetihlai hian Nazareth Hospital thuchhuah nia ngaih darh pakhatat Mizoram State Healthcare Society (MSHCS)-in pawisa vaibelchhe tel an bat avangin harsatna an tawk nia tar lan a ni a. Health Care lamin sum an bat sak leh staff-te pawn hlawh an lak theih loh thu an sawi bawk a, sawrkar hotute nen an inbiak mek thu an sawi.



AGRICULTURE MINISTER

Agriculture Minister Pu PC Vanlalruata'n nimin khan Champhai Winery a tlawh a, Grape chauh ni lo thlai dang atang pawha Wine siam chhuah dan ngaihtuah zel tha a tih thu a sawi.

Champhai Winery a tlawhnaah hian Pu PC Vanlalruata chuan, Sorkar-in kuthnathawktute hmakhaw ngaiin Wine Rules a siam tha a, dan hnuaiah Wine leh Fruit Beer zawrh theih a ni tawh dawn tih a sawi a. Champhai Winery chu Mizorama Winery lian ber pawl a ni a, Grape chingtute pawhin an chhawr tangkai a, hetiang an thlai thar atanga Wine siam chhuah a ni hi hmasawinna ropui tak a ni tih sawiin, thlai dang atang pawha siam chhuah zel theih ni se a duh thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



PM Modi

Prime Minister Narendra Modia chuanIndia-Japan inlaichinna chu a tha danglam bik tih sawiin eibarzawwna kawngah an thawhdunna hlawhltinzia hmuh tur a tam a ti. Nimina New Delhi-a India-Japan Joint Economic Forum ah he thu hi sawiin Pu Modia chuan Japan thiamna leh sumdawwna chuan India theihna sang tak nena thawkdunin khawvel pum tan hlawkna thlen thei a ni a ti bawk.

Prime Minister Narendra Modia leh Japan Prime Minister Sanae Takaichi te hi nimin khan Annual Summit ah India leh Japan inkara thawhdunna hrang hrang an sawidunin an inkawm bawk a. Hruaitu pahnihte hian eibar zawwna leh energy lama intodelhnate, damdawi,ralthuam leh AI lama inremna chungchang an sawidun a. Thuchhuah intawm an siamah Prime Minister Modia chuan tunlai khawvelah chuan inrintawwna chu thil hlu ber anih thu sawiin India leh Japan thawhdunna chuan hun rei tak fiahna a paltlang tawh a ti a. India leh Japan chu khawvela eibar dinhmun tehna kawngah ram lian pahnih an nih thu sawiin Indo Pacific him tak leh zalen taka siam chu an ngaih pawimawh anih thu a sawi a ni.

Japanese Prime Minister Takaichi hian Nilani khan ni thum cham turin New Delhi a lo thleng a. Prime Minister anih hnua India a lo tlawh hmasak ber a ni.



AIR SUVIDHA

Union Ministry of Civil Aviation chuan International Airport-a Ebola hri kai leh kai lo endikna tur AIR SUVIDHA 2.0 portal a hawng. He hmalakna hi Director General of Health Services and Delhi International Airport Limited thawhdunnaa siam a ni a. Ramdang atanga lo zinte zingah he natna kai lo hmuhchhuah zung zungna tur a ni.



FIFA WC

FIFA World Cup khelk mekah nizan khan Round of 32 inkhelah Spain chuan goal thum faiin Austria an hneh a. Spain tan hian Mikel Oyarzabal chuan goal 2 thunin Pedro Porroa'n goal khat a thun ve bawk a ni.

Inkhel pahnihnaah team ngaihven hlawh Portugal chuan Croatia 2-1 in an hneh a. Croatia hian Ivan Perisic-a goal hmangin minute 53 ah hma hruai zet mahse Portugal tan Cristiano Ronaldo chuan minute 68 ah a si phurh a rawn sut a. Minute 94-naah Portugal chakna goal hi Goncalo Ramos chuan a rawn thun a ni. Portugal leh Spain te hi Round of 16 ah an intum dawn a ni. Tukin dar 8.30 ah hian Algeria leh Switzerland te an inkhel leh ang.

<><><>